

**CONVENIO DE COLABORACIÓN CULTURAL ENTRE O CONCELLO DE
SANTIAGO DE COMPOSTELA E O PADROADO DO MUSEO DO POBO GALEGO**

En Santiago de Compostela, 17 de agosto de 2016

REUNIDOS

Dunha parte, Don Martiño Noriega Sánchez, en nome e representación do Excmo. Concello de Santiago de Compostela, con CIF P-1507900-G, na súa calidade de Alcalde-Presidente da Corporación, e no exercicio das competencias que lle confire a lexislación vixente, en especial, o art. 124.1.a da Lei 7/85, de 2 de abril, reguladora das Bases de Réxime Local e o art. 61.1.a da Lei 5/97, de 22 de xullo, de Réxime Local de Galicia.

Doutra, Don Justo Beramendi González, en nome e representación do Padroado do Museo do Pobo Galego, en calidade de Presidente, con domicilio social en San Domingos de Bonaval, C.P 15704, de Santiago de Compostela, e CIF: G15037195

MANIFESTAN

1. Que o Concello de Santiago conta entre as súas funcións a celebración de convenios e concertos con institucións públicas e privadas para levar a cabo as tarefas da súa competencia, incluíndose nelas a realización de accións de fomento e difusión da cultura.
2. Que o Padroado do Museo do Pobo Galego vén desenvolvendo unha intensa actividade no eido da cultura en colaboración con outras entidades, entre as que se atopa o Concello de Santiago de Compostela.
3. Que a devandita iniciativa cultural resulta de especial interese para o Concello de Santiago polo seu impacto positivo na difusión da educación, a ciencia, a cultura, a lingua galega e os valores democráticos.



E por isto e que se acorda establecer un convenio de colaboración de acordo coas seguintes:

CLÁUSULAS

Primeira: Serán obxecto deste convenio as actividades que o Padroado do Museo do Pobo Galego desenvolve en Santiago de Compostela, actividades que teñen como fin a promoción da educación, a ciencia, a cultura e a lingua galega a través das actividades que se relacionan no Anexo 1.

Segunda: O Concello de Santiago colabora economicamente no desenvolvemento destas actividades (Anexo I) coa cantidade de **10.000 euros**, que serán ingresados na conta a nome do Padroado do Museo do Pobo Galego, que ten ao seu nome en ABANCA. co número de conta ES82 2080 0300 73 3040078644. Esta achega será compatíbel coas doutras entidades públicas ou privadas sempre e cando a suma delas non supere o importe total da actividade, e coas complementarias que o Concello poida, no seu día, establecer. Na cantidade obxecto do convenio entenderase incluído o Imposto sobre o Valor Engadido (IVE) e calquera outro tipo de imposto ou gasto.

Terceira: O pagamento realizarase logo da xustificación do gasto mediante a achega das facturas oficiais e recibos que correspondan, que deberán conter tódolos datos do receptor, así como a correspondente retención do IRPF. Poderanse presentar os orixinais ou fotocopias compulsadas, a xustificación realizarase polo importe total da actividade non só pola contía da subvención.

Como documentos acreditativos dos pagos realizados só se aceptarán transferencias bancarias, certificacións de pago emitidas por entidades bancarias (extratos ou asentos de movemento individualizados). Os pagos en efectivo só serán admitidos para aqueles gastos que pola súa natureza non poidan ser pagos baixo outra modalidade, como subministros en restaurantes, gasoleiras, supermercados, etc, non podendo superar en ningún caso a contía de 600 €. Acreditarase o pagamento mediante factura ou recibín asinado polo acreedor indicando a data de abono debendo figurar a expresión recibín ou outra análoga.

Terán que achegar os seguintes documentos:

- Documentación acreditativa de que a actividade se realizou segundo o previsto.
- Certificación expedida pola Tesourería da Seguridade Social, que acredite que a entidade está ao corrente nos pagamentos que lle correspondan.
- Certificación da Delegación de Facenda do Estado que acredite que está ao corrente no pagamento das obrigas tributarias.
- Certificación da Consellería de Facenda da Xunta de Galicia que acredite que está ao corrente no pagamento das obrigas tributarias
- Certificado de non ter débedas co Concello de Santiago de Compostela
- Ingreso selado pola entidade bancaria correspondente que acredite a titularidade da conta na que se deba facer o pagamento.
- Declaración asinada polo secretario da entidade co visto e prace do presidente de non atoparse en ningún dos supostos de incapacidade e incompatibilidade para a percepción de subvencións ou axudas públicas.
- Declaración asinada polo secretario da entidade co visto e prace do presidente na que se faga constar as contías das axudas asignadas ou recibidas doutras administracións públicas, ou entes públicos ou privados, para o mesmo fin.
- Documento acreditativo de ter realizado os pagamentos.
- Tarxeta de identificación fiscal

A xustificación das contías poderán realizarse de xeito parcial até acadar o máximo da contía concedida. A presentación da xustificación realizarase seguindo o modelo do Anexo 2.

Cuarta: A data limite para a xustificación do convenio será o 15 de novembro de 2016.

Quinta: O Concello de Santiago figurará na publicidade e difusión das actividades subvencionadas, tanto impresa como en outros soportes, como “colaborador”, utilizando a súa imaxe corporativa. Asemade O Padroado do Museo do Pobo Galego, comprométese ao cumprimento das obrigas contidas na Lei Xeral de Subvencións

38/2003, a partir da data de sinatura.

Sexta.- Este convenio ten natureza administrativa e compételle ao Concello de Santiago o control da súa execución e a vixilancia do cumprimento do seu contido. O Concello de Santiago poderá, cando o considere oportuno, comprobar o estado de execución das actividades obxecto deste convenio. Crearase unha comisión mixta de seguimento da execución do convenio e para a solución e interpretación de controversias formada pola Concelleira de Acción Cultural e polo representante do beneficiario da subvención.

Sétima.- O incumprimento das cláusulas deste convenio por calquera das partes será causa suficiente de rescisión deste, do mesmo xeito procederá o reintegro da subvención polas causas previstas no artigo 37 da Lei Xeral de subvencións.

Oitava.- Toda a comunicación, oral ou escrita, que se derive deste convenio, dirixida a esta administración ou a calquera outra entidade ou persoa, incluíndo a presenza pública mediante rótulos, avisos, sinais informativos, publicidade, atención directa, etc., así como o obxecto mesmo da contratación, realizaranse en lingua galega de acordo co previsto no Regulamento de uso do galego na administración municipal de Santiago de Compostela, especialmente no seu artigo 8.

Novena: A vixencia deste convenio é até o 31 de decembro de 2016. Este convenio rexerá durante o presente ano e poderá ser prorrogado para o ano seguinte, por acordo expreso das partes, cos mesmos obxectivos e por unha contía económica non inferior, supeditado á existencia da correspondente consignación orzamentaria.

Décima: Será responsabilidade do Padroado do Museo do Pobo Galego a organización, xestión, publicidade e asistencia técnica requiridas polas actividades incluídas neste convenio. O Padroado do Museo do Pobo Galego será tamén responsábel dos traballos que desenvolva e das prestacións e servizos realizados, así como das consecuencias que se deduzan para a Administración ou para terceiros por omisións, erros, métodos inadecuados ou conclusións incorrectas na execución do convenio.



En proba de conformidade cos termos deste convenio asínase, por duplicado, no lugar e data de encabezamento.

Polo Concello de Santiago

Polo Padroado do Museo do Pobo
Galego

Martiño Noriega Sánchez
Alcalde de Santiago de Compostela

Justo Beramendi González
Presidente do Padroado do Museo do
Pobo Galego



ANEXO I: Actividades ao abeiro do Convenio entre o Concello de Santiago de Compostela e o MUSEO DO POBO GALEGO 2016

Entre os e as usuarias dos servizos do DEAC, hai unha boa parte que o son das actividades de tipo sociocultural que se desenvolven grazas ao apoio da concellería de Cultura de Santiago de Compostela. Ao abeiro do convenio con esta entidade, e para o ano 2016, o Departamento de Educación e Acción Cultural do MPG ten programadas as seguintes propostas:

Relatos transversais. As outras narrativas do Museo. En diferentes formatos e con distintos medios pretendemos que outros xeitos de mirar e narrar o Museo se integren na propia vida da entidade. Este ano queremos traballar coa mirada dos e das maiores sobre o patrimonio inmaterial.

Máscaras tradicionais. Por cuarto ano, o Museo realiza esta actividade nas propias datas de celebración da festa, para dar a coñecer os distintos entroidos galegos. Nesta ocasión foron as Bonitas de Sande (Cartelle) un Entroido ourensán porén menos coñecido que os do denominado “triángulo máxico”.

En abril conmemórase o **Día da Danza** e a programación nese mes xira ao redor deste tema, centrándonos na tradición galega, para estudala e revisala. *A voltas co Baile*, xornada para especialistas que celebra xa a 5ª edición, e a exposición *Andar cos tempos*, revisarán o baile tradicional desde a perspectiva de xénero, con Mercedes Peón como convidada para a palestra da xornada de formación.

Celebración do Día das Letras e do Día Internacional dos Museos (17 e 18 maio). Programación propia e tamén coordinada con outras entidades museísticas da cidade: Fundación Granell, o Museo das Peregrinacións, Museo da Catedral, CGAC e MUPEGA, Casa da Troia, Museo de Historia Natural.

11ª Mostra Internacional de Cinema Etnográfico Museo do Pobo Galego. O Museo pretende ser durante uns días unha plataforma para mostrar o mellor cine etnográfico feito en e fóra de Galicia. A Mostra conta, desde este ano, con sección concurso con premios á mellor película, á mellor produción galega ou sobre Galicia e premio do público. Tamén conta con actividades paralelas como obradoiros ou proxeccións fóra de concurso.



ACTIVIDADES VERÁN E OUTONO Obradoiros, visitas didácticas e charlas para que pequenos e adultos se acheguen ao patrimonio histórico-antropolóxico contido no Museo e ás exposicións temporais, desde a participación activa na protección e difusión do mesmo. Entre xullo e outubro.

Colaboración con AGADEA. (Asociación Galega de Enfermos de Alzheimer). Despois de dous anos de desenvolverse este programa para persoas usuarias dos servizos de AGADEA na cidade de Santiago, usando o Museo e a etnografía en sesións terapéuticas, este ano publicaremos, en formato dixital, unha guía de recursos baseada no folclore.

ORZAMENTO

Relatos transversais. Outras narrativas do Museo	1.520
Entroido	235
A voltas co Baile	449
Exposición “Andar cos tempos”	365
Actividades ao redor do Día das Letras e do Día Internacional dos Museos	582
11ª Mostra Internacional de Cinema Etnográfico Museo do Pobo Galego (MICE)	4.750
Actividades socioculturais verán /outono	1680
Edición Guía AGADEA “Folclore como recurso en demencias tipo Alzheimer”	600
TOTAL	10.181

ANEXO 2: MODELO PARA A XUSTIFICACIÓN DA REALIZACIÓN DA ACTIVIDADE

D. _____ como representante legal de :

Entidade beneficiaria
CIB/NIF

CERTIFICO:

1º.- Que o programa para o que se concedeu a subvención, e que a continuación se detalla, foi realizado na súa totalidade

Actividade ou programa:
Convocatoria:
Datas de realización:
Importe da actividade:
Importe da subvención concedida:

2º.- Que os gastos xenerados na actividade concreta do programa/s subvencionados son os seguintes:

Nº	CONCEPTO	IMPORTE	FECHA PAGO
	IMPORTE TOTAL DA ACTIVIDADE SUBVENCIONADA=		

Que se adxuntan as facturas ou documentos substitutivos correspondentes a estos gastos, así como a xustificación do seu pago.

3º.- Que as subvencións solicitadas ou concedidas por outras Entidades para a realización da actividade subvencionada ascenden a un total de _____ €, co seguinte detalle:

ENTIDADE CONCEDENTE	IMPORTE



**CONCELLO DE
SANTIAGO**

TOTAL=

4º.- Que os ingresos xerados pola realización da actividade subvencionada ascenden a un total de € , co seguinte detalle:

CONCEPTO	IMPORTE
TOTAL=	

5º.-Que os restantes gastos xerados pola actividade subvencionada foron financiados con cargo a

6º.-Da liquidación de ingresos e gastos se deriva que respecto do programa ou actividade realizada, cúmprese o disposto no artigo 31.1 da LXS, o importe dos ingresos e subvencións concedidas non supera o importe total dos gastos devengados, sendo destinadas todas as aportacións á actividade subvencionada

O que asino en

a data de

Sinatura